
ԴԱԻԻԹ ԱՆՅԱՂԹ. Մեկնութիւն ի «Վերլուծականն» Արիստոտելի, Հին հայերեն բնագիրը հրատարակության պատրաստեց, անզերեն թարգմանեց և առաջարանն ու ծանոթագրությունները գրեց Արամ Թոփչյանը, «Քրիլ» հրատ., Լադեն, Բուքրոն, 2010, X-222 էջ:

DAVID THE INVINCIBLE, *Commentary on Aristotle's Prior Analytics*. Old Armenian Text with an English Translation, Introduction and Notes by Aram Topchyan (Philosophia Antiqua vol. 122 = Commentaria in Aristotelem Armeniaca. Davidis Opera, vol. 2), Brill, Leiden-Boston, 2010, pp. X-222.

Գրախավող զիրքը լրիս է տեսել *Commentaria in Aristotelem Armeniaca. Davidis Opera* («Արիստոտելի հայկական մեկնությունները. Դավթի Երկերը») շարքով, որ ընդգրկելու է հինգ հատոր: Առաջինը¹ Դավթի Անհաղթի փիլիսոփայական ժառանգության հայտնի մասնագետների հոդվածների մի ժողովածու է և որոշ առումով նախարան ողջ շարքի համար: Երկրորդը՝ մեր խնդրո առարկան, «Մեկնութիւն ի «Վերլուծականն» Արիստոտելի» էրկն է: Այնուհետև սպասավում է ևս երեք հատոր՝ «Սահմանք իմաստասիրութեան», «Վերլուծութիւն «Ներածութեանն» Պորֆիրի» և «Մեկնութիւն «Ստորոգութեանցն» Արիստոտելի»: Վերջին երեք գործերի հին հունարեն սկզբնագրերը հասել են մեզ, ի տարբերություն առաջնի՝ «Վերլուծականի» («Առաջին անալիսիկայի») մեկնության: Եվ թեպես այս հանգամանքը խիստ դժվարացնում է երկի հին հայերեն տարբերակի հրատարակության պատրաստումն ու թարգմանությունը, Արամ Թոփչյանն իր առաջադրանքը գերազանց է կատարել:

Գիրքը բաժանված է երեք հիմնական մասի. առաջարան, հայերեն քննական բնագիր ու անզերեն թարգմանություն, որն ուղեցվում է բովանդակալից ծանոթագրություններով, և հավելվածներ ու բառարաններ, որոնք արժեքավոր են թե՝ փիլիսոփայական, թե՝ լեզվաբանական տեսանկյունից:

Առաջարանում (էջ 1-28) Թոփչյանը, մեկնությունն իր մշակութային միջավայ-

րում՝ VI դարի ալեքսանդրյան փիլիսոփայական դպրոցում ներկայացնելուց հետո, քննարկում է հայերեն տարբերակի հետ կազմաձ հարցեր, ինչպես՝ թարգմանության լեզվական առանձնահատկությունները և թարգմանչի ու հեղինակի խնդիրները (երկը վերագրվել է նաև Դավթի ժամանակակից Էլիասին):

Թարգմանությունը պատկանում է հունարան դպրոցին, և բանասերներն այն ընդգրկում են հունարան թարգմանությունների երրորդ խմբում: Ուստի այն թվագրվում է VII դարի առաջին կեսով (Հ. Մանանյան): Կամ VI դարով (Մ. Արեշատյան): Այս առթիվ Թոփչյանը միայն հոդում է նշված մասնագետների կարծիքները՝ առանց դրանցից մեկին նախապատվություն տալու: Այնուամենայնիվ նա նշում է լեզվական հատկանիշներ, որոնք հատուկ են Դավթի բոլոր չորս երկերի հայերեն թարգմանություններին և վկայում են, թե դրանք հավանաբար մեկ թարգմանչի գործ են: Թոփչյանն անդրադառնում է նաև թարգմանչի անձնավորության խնդրին: Նրա կարծիքով՝ Դավթը հազիվ թե եղած լինի իր իսկ երկերի թարգմանիչը, և դրանք չեն թարգմանվել նրա վերահսկողությամբ, քանի որ թարգմանություններում առկա են որոշ մանր սխալներ: Դրանք տեղ չեն գտնի հայերենում, եթե նա ուղղակիորեն կամ անուղղակիորեն մասնակցած լիներ աշխատանքին:

Թոփչյանը հետաքրքիր դիտողություններ է անում նաև մեկնության հեղինակային պատկանելության հարցի շուրջը: Արիստոտելի նույն երկի Էլիասի հունարեն մեկնության մի հատվածի տպագրությունից հետո (1961 թ.) որոշ մասնա-

¹ V. Calzolari – J. Barnes (eds.), L’Oeuvre de David l’Invincible (Philosophia Antiqua vol. 116 = Commentaria in Aristotelem Armeniaca. Davidis Opera, vol. 1), Brill, Leiden-Boston, 2009.

գետներ հայերեն թարգմանությամբ մեզ հասած մեկնության հեղինակ են համարել Էլիասին: Պահպանված հունարեն հասովածն ընդգրկում է առաջին պրակր և երկրորդի մի մասը, և, հարկավ, բազմաթիվ բառացի զուգահեռներ կան Էլիասի գրվածքի ու հայերեն ձեռագրերում Դավթին վերագրված մեկնության միջև: Այդուհանդերձ տարբերություններն էական են ու ավելի շատ, քան նմանությունները, և դա Թոփչյանին բոլով է տալիս հանգելու այն համոզիչ եզրակացությանը, թե հայերենը չի կարող լինել Էլիասի երկի թարգմանություն: Այլ խոսքով՝ արդարացված չէ Էլիասին հայերեն մեկնության հունարեն սկզբնագրի հեղինակ համարելը, և այն պետք է վստահորեն վերագրել Դավթին: Իսկ նշված նմանությունները երկի արդյունք են այն բանի, որ երկու երկերի հիմքում եղել է նույն աղյուրը:

Առաջարանն ավարտվում է մի ծավալուն զիտով, որը նվիրված է Դավթի մեկնության հայերեն ձեռագրերի դասակարգմանը: Թոփչյանն ուսումնասիրել է 28 ձեռագիր (ամենահեռը՝ XIV դարի): Դրանցից 27-ը պահպում են Մատենադարանում, իսկ մեկը՝ Փարիզի ազգային գրադարանում: 5 ուրիշ ձեռագիր նրան մատչելի չեն եղել:

Առաջարանին հետևում են մեկնության քննական բնագիրը և անզերեն թարգմանությունը (էջ 29–131): Դավթի երկը բաժանված է 14 պրակի, սակայն, ինչպես նկատում է Թոփչյանը (էջ 3), այն անավարտության տպավորություն է թողնում և չի բացառվում, որ մեզ հասել է ավելի ծավալուն գրվածքի մի մասը միայն: Սկզբում, ըստ ալէքսանդրյան մեկնիչներին հասուլ կաղապարի, Դավթիր կանգ է առնում մի բանի սովորական հարցի վրա. ի՞նչ նպաստակով է Արիստոտելը գրել իր երկը, ինչո՞վ է այն օգտակար, ի՞նչ հերթականությամբ է նա քննարկում իր խնդիրները, ուրիշ ի՞նչ գործերում է անդրադառնում դրանց, ինչո՞ւ է վերնագիրը «Վերլուծական», ի՞նչ գլուխների է բաժանված, և ի՞նչ հիմք կա կարծելու, թե այն իրոք պատկանում է Արիստոտելին: Իսկ մեկնության շարունա-

կությունը նվիրված է սիլոզիզմի («հաւաքումն», «բաղհաւաքումն» կամ «հաւաքարանութիւն») տարրեր տեսակների վերլուծությանը:

Ինչպես նշվեց, զիրքը նաև ընդգրկում է հավելվածներ ու բառարաններ: Առաջին հավելվածը (էջ 133–175) ներկայացնում է մեկնության հետ բազմաթիվ զուգահեռներ՝ բաղկած հունարեն փիլիսոփայական, մեկնողական երկերից ու Դավթի մյուս գրվածքներից: Երկրորդ (էջ 177–183) և երրորդ (էջ 185–187) հավելվածներում գտնում ենք մեկնության մեջ առկա ձևաբանական, շարահյուսական ու բառային հունարանությունների ցանկեր: Թեև դրանցից մի քանիսը, ինչպես՝ «իլ» վերջավորությամբ կրավորական անորոշ դերքայլը և «իլր» վերջավորությամբ եզակի երրորդ դեմքով կրավորական անցագալ անկատարն ավելի շուտ ընդհանուր հետասական քերականական ձևաբանական անձեռներ են, քան բառին բուն իմաստով հունարանություններ, դրանք տեղին են նկատվել, քանի որ լրացուցիչ պատկերացում են տալիս մեկնության լեզվի առանձնահատկությունների մասին:

Գիրքը նաև բովանդակում է եռալեզու՝ հունարեն-հայերեն-անզերեն, անզերեն-հայերեն-հունարեն ու հայերեն-հունարեն-անզերեն բառարաններ (էջ 189–212) և ապարտվում գրականության ու Դավթի օգոստադրած անձնանունների ցանկերով:

Թոփչյանը դժվար առաջադրանք է կատարել, քանի որ Դավթի մեկնության հայերեն բնագիրը իմաստ խրժին է, իսկ իին հունարեն բնագիրը, ինչպես ասվեց, կորուծ է: Ընթերցողներին մատչելի դարձնելով այս երկը իրն հայերեն բնագրի հետ զուգադիր անզերեն ճշգրիտ թարգմանությամբ՝ Թոփչյանը նշանակալի ծառայություն է մատուցել հայ և հույն դասական գրականության ու փիլիսոփայության պատմության մասնագետներին: Մնում է միայն հուսալ, որ նա կշարունակի իր աշխատանքն այս՝ ջանքեր պահանջող, բայց արգասարեր գիտական ուրսում:

ԱԼԵՍՍԱՆԴՐՈ ՕՐԵՆԳՈ
(Բուալիա)